

東廚司命燈儀

法事如式

以今焚香然燈供養

本音東廚司命竈君五方五帝竈君五帝竈君夫人天廚靈竈地廚神竈三十六位竈君

新竈舊竈神君炊陶神母運水將軍竈中禁忌一切威靈仗此真香普同供養

伏聞天為百神之君禍福善竈乃一家之主糾繆繩愆眷職掌之非輕宜敬心之是重爰茲穀旦特展芳誠桂漿未注於金樽蘭炷

先焚於寶鼎庶臻時蠲克遂感通以今醮官

其人遠庖鼎初曲突咸新慮犯神司敬伸安謝伏願愚衷上達聖意潛孚瞻之在前執親

尊崇之禮祭之如在當嚴勤懇之誠既矜請命之辭取効采芹之薦法衆皈依虔誠讚詠

舉聖號

焚香然燈供養

本音東廚司命竈君東方甲乙青帝竈君竈

家一切禁忌之神

伏聞司命名尊奉上帝差除之旨竈神職重

東下民倚伏之權變化尤多言辭難盡在天

為七元之使者邇日奏萬事於宸庭一竈各

立一名五方或稱五帝群分部屬迭主陰陽

雖善善惡惡均在修為然是是非非必公紀

錄以今醮官其人僭邀聖駕祇薦香醪伏願

見所見聞所聞必言人過筆則筆削則削廣

沛天恩稽首歸依虔誠讚詠

蒼靈分炁青帝尊神上承帝命下察人倫

言功錄過賞善奏名日月紀筆時時無停

敬則降善妄則降咎傾心首謝願賜安寧

焚香然燈供養

本音東廚司命竈君南方丙丁赤帝竈君竈

家一切禁忌神衆

伏聞記名所祀之六神實尊乎竈人莫不營

於三膳亦係乎天然思平日所為未必令人

皆是以今醮官其人縈纏世俗養育愛緣靖

言既變以釜滿每待水烹而火飪燔爇致腥

膾之衝突炊陶將未穀以拋遠拖刀拽斧而

豈識重輕藪草燔柴則寧無穢觸鱗毛悞藝

糞草故投酣酒高聲牽神引呪對竈庭而裸

袒向廚廨以誼呼殆難以蔽於一言不可勝

誅之萬罪今則焚香真醪酌水獻花兢兢陳

自訟之辭懇懇覲非常之福但願致富累世

祀不負於陰子方母今獲罪上天媚徒勞於

王孫賈稽首歸依虔誠讚詠

丹靈真炁赤帝尊神位居禹位職守竈庭

能垂福慶善遣災逆束縛九醜焚滅妖精

逆吾者死敬吾者生吾有此令兆庶宜遵

焚香然燈供養

本音東廚司命竈君西方庚辛白帝竈君竈

家一切禁忌之神

伏聞夏月祭先肺備詳呂令之辭丹砂化黃

金具述漢書之志家人有竈人盍謹祠蓋天

曹納所奏之言況人世積悞為之欲自老及

幼而匪一從微至著以何言以今醮官其人

碌碌塵寰區區火宅不識忌諱無怪乎粉態

脂容自取顛隲常懼手焦頭爛額既沐洪恩

而敢有敢忘微禮以歸崇掃蕩群兇嚮用五

福有護持之神物無凌爍之精邪行行溫魔

過我門而不入我室稜稜惡黨聞其語而未

三

五

八

一

一

一

一

一

一

一

一

一

一

一

一

一

一

一

一

一

一

見其人絕甑鳴釜叫之災杜狗媚狐趨之怪  
稽首歸依虔誠讚詠

皓靈大聖白帝尊神受符上命掌握群靈  
職司凡世上侍九清位分允舍化育含生  
改惡為善赦罪留恩吹飄萬禍善降玄風

焚香然燈供養

本音東廚司命竈君北方壬癸黑帝竈君竈  
家一切禁忌神衆

伏聞民以食為天無竈何從而烹任竈乃天  
之吏專司禍福以紀功是仗玄科敬伸安奉

以今離官某人恐家人之踏踏積大過之多  
多片善勿為一言難盡既自迴光返照必能  
轉禍為祥伏願驅掃不祥俾常臻於吉慶遣  
除兇怪庶茂衍於椿期稽首歸依虔誠讚詠

壬癸之位玄老尊神天靈大聖地靈將軍  
俱侍左右聽令而行身長千丈手託乾坤  
江海為宅制禦火精聞吾神呪永保清寧

焚香然燈供養

本音東廚司命竈君中宮戊己黃帝竈君竈  
家一切禁忌神衆

伏聞職在人間謂親民而最切告膺天上奉  
帝命之榮除曰司命而命掌非輕稱府君而  
君銜實重職司廚內掌樞居中以今離官某  
人居履職之間沐照臨之下不知不識何慮  
何辭醉酣裸體以輕狂語話牽神而引呪腥  
臊熏觸穢手進薪習為朝夕之常陰有神明

之錄功無毫髮過若丘山伏願百神擁護萬  
善資扶降真炁於五方蕩除妖厭扇祥風於  
比屋化作恩波稽首歸依虔誠讚詠

皇靈黃老戊己帝王居其中位總領八方  
提攝萬象罔越紀綱賞善罰惡賜福非常

若有妖孽入地消亡保安家舍永珍災殃

誦經 宣疏 回向

東廚司命燈儀終

二燈儀同卷

正一炁司辟毒神燈儀

離明瑞象燈儀

五五

正一炁司辟毒神燈儀

法事如式

伏以混沌既分氣形乃判女媧斷縈而立極  
伊折層象以授時分三才而成三播五行而  
為五由是氣分七十二候歲定三百六旬成

變化以行鬼神妙陰陽而運寒暑天垂象則  
吉凶可見人稟性而禍福自來故慶源乃肇

於積善之家而殃咎必幾於作惡之者幸有  
禱祈之路抑開方便之門以今信士某團形  
覆燾之間託跡憐憫之下正心誠意專天敬

神啓建玄壇修崇清醮香煙縹緲露空洞之  
雲霞燈焰燦煌燦青霄之星斗瑤臺月冷而  
仙裾縹緲碧漢風清而雲馭翔翔察茲懇懇

之齋蓋願賜迂迓而降監伏願明德誕敷洪  
恩下沛增注方來之慶獨消已往之非萬福